

Izmjene i dopune MRS-a 16 *Nekretnine, postrojenja i oprema*

Vrše se izmjene i dopune tačaka 17. i 74., te uvode tačke 20.A, 74.A, 80.D i 81.N. Zahtjevi iz tačke 74. (d) ostaju neizmijenjeni, ali se prenose u tačku 74.A (a). Brisani tekst je precrtan a novi podvučen.

Mjerenje i priznavanje

...

Elementi troška

...

17. Primjeri troškova koji se mogu direktno pripisati su:

...

- (e) troškovi testiranja pravilnog funkcioniranja imovine (odnosno procjene da li su tehničke i fizičke performanse imovine takve da se može koristiti u proizvodnji ili isporuci roba ili usluga, za iznajmljivanje drugima ili za administrativne svrhe), ~~nakon odbitka neto prihoda od prodaje proizvedenih jedinica tokom dovođenja imovine na datu lokaciju i u stanje spremno za upotrebu (na primjer, uzorci proizvedeni tokom testiranja opreme); i~~

...

...

20.A Jedinice mogu nastati tokom dovođenja nekretnina, postrojenja i opreme na lokaciju i u stanje neophodno za upotrebu koju je odredila uprava (na primjer, uzorci proizvedeni tokom testiranja pravilnog funkcioniranja opreme). Subjekt priznaje prihode od prodaje tih jedinica, kao i trošak tih jedinica u dobiti ili gubitku u skladu s primjenjivim standardima. Subjekt mjeri trošak tih jedinica primjenjujući zahtjeve MRS-a 2 koji se odnose na mjerenje.

...

Objavljivanje

...

74. U finansijskim izvještajima se treba objavljivati i sljedeće:

...

- (b) iznos izdataka priznatih u knjigovodstvenu vrijednost nekretnina, postrojenja i opreme u toku izgradnje; i
- (c) iznos ugovorenih obaveza preuzetih za nabavku nekretnine, postrojenja i opreme; i
- ~~(d) ako nije objavljeno odvojeno u izvještaju o sveobuhvatnoj dobiti, iznos naknada primljenih od trećih strana za nekretnine, postrojenja i opremu čija je vrijednost umanjena, koje su izgubljene ili ustupljene, a uključene su u dobit ili gubitak.~~

74.A Ako nije prezentirano odvojeno u izvještaju o sveobuhvatnoj dobiti, u finansijskim izvještajima se treba objavljivati i sljedeće:

- (a) iznos naknada primljenih od trećih strana za nekretnine, postrojenja i opremu čija je vrijednost umanjena, koje su izgubljene ili ustupljene, a uključene su u dobit ili gubitak; i
- (b) iznos prihoda i troška uključen u dobit ili gubitak u skladu s tačkom 20.A koji se odnosi na proizvedene jedinice koje nisu nastale u sklopu redovnog poslovanja subjekta i to koja

linijska stavka, odnosno stavke u izvještaju o sveobuhvatnoj dobiti uključuju takve prihode i trošak.

Prelazne odredbe

...

80.D Odredbama dokumenta *Nekretnine, postrojenja i oprema – prihodi prije planirane namjene*, izdatog u maju 2020. godine, izvršene su izmjene i dopune tačkaka 17. i 74., te dodate tačke 20.A i 74.A. Subjekt navedene izmjene i dopune primjenjuje retroaktivno, ali samo na nekretnine, postrojenja i opremu koji su dovedeni na lokaciju i u stanje neophodno za upotrebu koju je odredila uprava na ili nakon početka najranijeg perioda prezentiranog u finansijskim izvještajima za period u kojem subjekt prvi put primjenjuje izmjene i dopune. Subjekt priznaje kumulativni učinak inicijalne primjene izmjena i dopuna kao usklađivanja početnog stanja zadržane dobiti (ili druge komponente kapitala, kako spada) na početku najranijeg prezentiranog perioda.

Datum stupanja na snagu

...

81.N Odredbama dokumenta *Nekretnine, postrojenja i oprema – prihodi prije planirane namjene*, izdatog u maju 2020. godine, izvršene su izmjene i dopune tačkaka 17. i 74., te dodate tačke 20.A, 74.A i 80.D. Subjekt je dužan primijeniti navedene izmjene i dopune na godišnje izvještajne periode koji počinju na dan ili nakon 1. januara 2022. Dopuštena je ranija primjena. Ako subjekt primjenjuje te izmjene i dopune na neki raniji period, dužan je objaviti tu činjenicu.